

M.-s. 1297

Am F.
R

2197.6

F. A. 3 May 3
1831 oho



16

DVO CARMI-
NA IN HONOREM D. IA-
COBI BASILICI, NOBI-
LIS GRAECI, DOMI-
NI SAMI &c.
scripta

A POETIS AB EODEM
laureatis.



VVITEBERGAE

1556.

HERACLIDAE IACOBO BASILICO,
equiti aurato & comiti Palatino, nobili Græco,
domino Sami & Marchioni in Paro &c.
gratitudinis ergo scripsit ZACHA-
RIAS PRAETORIVS Mans-
feldensis, ab eodem potestate
D. Caroli V. Cæsaris,
Laurea donatus.

Anno 1556. 4 Cal. Junij.

Per mare, per terras, per mundi climata, Turca
Inde à Caucaeis rupibus arma mouet.
Ille potens Asie regnum terrasq; subegit
Quæ Phœbi radios exorientis habent.
Obtinet Aegæi portus & littora ponti,
Qui sparsas refluxis Cycladas ambit aquis.
Hellas & ipsa iugo summisit colla superbo,
Possidet Argiuas Turca tyrannus opes.
Adde Palestinae terras atq; ostia Nili,
Et Lybicae quondam florida regna plagæ.
Quæ loca Tigris amat, quas gemmifer Indus ad oras
Voluitur, illius sub ditione iacent.
Insuper Europæ partes Oriente subacto
Tentat, & occiduis imminet hostis agris.
Balthica, si posset, proferret ad æquora sceptrum,
Cogeret & populos diues Ibere tuos.
Sed tamen ad patrias proprius deuoluítur arces
Pernicies orbis bellua, fæua, minax.
Nemone iam uigili quærit medicamina cura;
Nemō repellendis hostibus arma capit;
An fera per totum rabies dominabitur orbem,
Nil nisi barbaries horrida, mundus erit?
Tu sapere

Tu sapere alterius fato Germania disce,
Hellados an non te tristis imago mouet?
Quæ doctrinarum sedes reginaq; quondam
Græcia, & ingenij nobilitata fuit:
Nunc exul uarijs miserè iactatur in oris
Atq; domi sentit damna, pericla foris.
Iam licet infestus Musis habet omnia Turca,
Non tamen ingenij Græcia tota caret.
Relliquæ restant, regum de stemmate natæ,
Quæ referunt generis signa decusq; sui.
Pauci, quos artes iuuat instaurare benignas,
Et rotos studijs inuigilare dies.
Græcia Musarum cultrix effecit, ut arte
Possimus mentes excoluisse rudes.
Quare debemus populo Ægæo Graiūm,
Ut gratas habeant facta benigna uices.
HVNC quoq; præstantem summa uirtute Iacobum,
Edita sincera gratia mente decet.
Doctus ut est etenim, sic stirpis origine pollet,
Regali gestat stemmata digna domo.
Solerti studio didicit de motibus artes,
Ingenio cœlum supposuitq; suo.
Adde quod & sanæ doctrinæ mystica nouit
Dogmata de ueri cognitione Dei.
Dotibus his addit generis monumenta uetusq;
Illustresq; sua nobilitate uiros.
Sed tamen (rabies Geticæ Cyclopica gentis)
Perdidit en etiam Turca Iacobe tuos.
Occubuit crebris auus in Minoide terra
Ictibus, & tepido sanguine tinxit humum.
Occidit Selymus fratrem matremq; patremq;
Hoc potuit grauior quis doloresse tibi?

A ij Attu

At tu uicinas puer ablegatus in oras,
Spes generis fueras unica penè tui.

Robore mox crescente, simul crescentibus annis,
Aetas cum rebus iam magis apta foret :

Teutonicas exul terras lustrare coactus,
Aspicere inuicti Cæsar is ora cupis.

Huic equitum turmas uictoriaq; agmina bello
Educens, Celtis strenuus hostis eras.

Tunc tua nobilitas eluxit & ardua uirtus,
Tunc iram sensit Liliger ipse tuam.

Carolus ergo tibi bello fortissimus heros
Bellica uirtutis præmia rite dedit.

Præter & acceptos natalibus auxit honores,
Ut nunc aurato sis eques ense grauis.

Inde Palatini tribuit tibi Cæsar honorem,
Eximia est tanto laus placuisse Duci.

Non itaq; immerito celebrant te carmine Musæ,
Non temerè faueo laudibus ipse tuis.

Nanq; faues nostris itidem uir docte Camœnisi,
O ex Herculea stirpe Iacobe nepos.

Quid generose Sami princeps nunc restat ut orem,
Aut aliud uotis, quid precer ipse meis ?

Littoribus uestris sœuos nisi pellere Turcas
Vt uelit & pacis reddere dona Deus ?

Rreprimat incursus & non sinat oppida flammis
Corruere, aut alia sorte perire mala.

Colligat in uestris etiam regionibus agmen,
Quod dulci Christum laude subinde canat.

Exiliq; moram leuet atq; incommoda tollat,
Plurima qui facili damna rependit ope.

F I N I S.

HERACLIDAE IACOBO BASILIO
co Equiti aurato, & Comiti palatino, Domino Sami
& Marchioni in Paro &c, gratitudinis ergo scri-
psit Franciscus Raphael Hetstetensis, ab eo-
dem Caroli V. Imperatoris potes-
tate, laurea donatus.
Anno 1556.

H El quando scythici rabies immensa Tyranni
Vindice Teutonico milite, fracta cadet?
Quando Germana uirtute domabitur hostis
Qui ruptis inhiat legibus orbis opes.
Et ferus exultans trahit infinita Scythurum
Agmina, quæ subigant Teutona colla iugo.
Quo tibi quo cessit Germania pristina uirtus?
Et quondam rebus gloria parta tuis.
Ausa prius latebras Asiae disquirere cunctas,
Et saeuis ultro bella parare uiris.
Nunc metuis proprijs depellere finibus hostem.
Qui trahit innumeros in tua fata Scythas.
Non te exempla mouent, pulcherrima floruit olim
Græcia, Musarum sedibus apta domus.
Nunc uaftata iacet, Regumq; à stirpe potentes
Coguntur patrij linquere regna soli.
Et mutare locum: Veteres migrare Colonos,
Dum iubet, & prædas Turcicus hostis agit.
Par erat Argolicæ ðεπτήγα soluere terræ.
Et grata Graios mente fouere uiros.
Quicquid habet Latium doctrinæ, quicquid & artis
Contulit hoc illi Græcia prima parens.
Si quis Aristotelem uel magnum tollat Homerum
Aut Graiae quisquis conditor historiæ est.

A v Inuolue

Involuet Latias tanta caligine terras.
Quanta uix, solis si cadat orbe globus.
At tu nate Samo, luges sine fine parentem,
Barbarico Selimus quem dedit ense neci.
Quando Samum cœpit, quam, dum sua sidera quærerit,
In medijs terram Nauita monstrat aquis.
Nonne satis miseranda fuit fortuna parentis,
Ni genitrix simili morte perempta cadat?
Tertius in sortem frater successit eandem,
Hei ternas animas abstulit una dies.
Nec tibi conditio melior, quam uita relicta est,
Sola tamen reliquis anteferenda bonis.
Inuida fortuna est, cui denegat esse secunda,
Huic etiam in cunis incipit esse grauis.
Vix dum natus eras, cum factus es orbus & exul,
Orbus & exul habes quæ mala summa feras.
Iam foret apta manus sceptris, regnoq; paterno,
Iam posses ductor ciuib; esse tuis
Inuida ni fortuna premat, que cogeris exul,
Extera pro patrijs regna uidere foci.
Qua prope Alexandri Nilus diffunditur urbem,
Cœpisti prima naue secare fretum.
Inde per extremos Asiæ ratis aduena tractus
Currit, quaq; solum fertile Thraces arant.
Donec fixa manens ad Balthica littora, misit
Expositum, steriles tingit ubi Albis agros.
Si qua tamen restat, quæ restat, pectore cura,
Exilijç; gemunt anxia corda malis.
Fortiter ingenita mentis uirtute leuabis,
Qua scis magnanimo pectore ferre malum.
Sola potest uirtus animo præscribere legem:
Omne solum patriam fortibus esse uiris.

Cui doctrina pari sociat uestigia gressus
Indefessa suis quæ solet ire comes.
At nos qui bello petimus, quid possumus ultra?
Quam precibus uerum solicitare Deum.
Gestet ut ipse suos, Turcorum pellat & arma,
Et seruet coetus agmina sancta sui.
Attua, magne Sami tot ueste per æqua princeps,
Cum faueas studijs ingenijs bonis.
Cantari meruit Musarum carmine uirtus,
Leniat exilijs quod mala damna tui.
Id facient alij, quibus æthere spiritus alto
Se totum infundens, uberiora canit.
Hæc tamen ipse dedi gratam testantia mentem,
Laurea quandoquidem munere sumpta tuo est.
Exiguum est quodcunq; dedi, sed grata uoluntas,
Non dubijs offert debita signa notis.
Forsan erit tempus, cum tu maiora mouenti
Plectra, dabis uires materiemq; mihi.
Curre uiam faustus, cæloq; fruare sereno,
Nullaq; suscepsum causa moretur iter.
Sed cessent cœliq; minæ, uentiq; sub antro
Nequicq; circum claustra inimica fremant.
Duxq; comesq; suo te protegat agmine Christus.
Ne tibi nocturnus possit obesse dolus.
Is faciat sospes uideas tua debitus hæres,
Regna & depulsos turpiter inde scythes
Tunc optem mihi contingat uel uena Maronis,
Qua celebrem redditus tempora lata tui.

F I N I S.

153028

AB: 153028



Farbkarte #13

B.I.G.	Black	3/Color	White	Magenta	Red	Yellow	Green	Cyan	Blue
8									
7									
6									
5									
4									
3									
2									
1									
Centimetres	1	2	3	4	5	6	7	8	9
Inches	1	2	3	4	5	6	7	8	9

DVO CARMI-
NA IN HONOREM D. IA-
COBI BASILICI, NOBIS
LIS GRAECI, DOMINI
NI SAMI &c.
scripta

16

APOETIS AB EODEM
laureatis.



VVITEBERGAE

1556.

